


Bildnus vnd Gestalt  
 einer erschrecklichen unnatürlichen vnd  
 ungewöhnlichen Geburt eines Kindes/ wel-  
 ches anno 1577. den xx. Decembris zu  
 Grevesmühlen in dem Lande zu Weyckeln-  
 burg von eines Schneiders/ W. B.  
 Ehelichen Hauffrauwen/  
 geboren ist.

¶ Neben wahrhaftigem bericht vott  
 dieser Geburt vnd einer Erinnerung  
 vnd Vermahnung.

D. SIMONIS PAVLI.



gedruckt zu Rostock durch Jacobum  
 Lucium M. D. LXXVIII.

Doctoris Simonis Pauli extirpatione vnd  
vermahnung/von dieser vnnatürlichen  
vnd vngewöhnlichen Geburt.

S verkündiget Gott der Herr im andern Capitel des Propheten Joel's/dz er will wunderzeichen geben oben im Himmel/ vnd vnden auff Erden/Blut/Fewr/rauch vnd dampf/ vnd das die Sonne soll in Finsternis vñ der Mon in Blut verwandelt werden / ehe dann der grosse vnd schreckliche tag des Herren komme. Ob wobl aber durch diese wunder/fürnemlich verstanden werden / die zeichen so zur zeit des Messie/als er sein ampt sichtbarlich auff Erde verrichtete/vñ vor der zerstörung der Stadt Jerusalē/geschahē/wie daß der Apostel S. Petrus/ als der Euangelist S. Lucas schreibt im ij. Capitel der Apostel geschicht/in seiner Pfingstpredigt sie dahin ge deutet hat: So können sie doch vnd müssen auch zugleich mit verstanden werden von den zeichen / so da geschehen sollen/zu der zeit / wenn der Jüngste tag vorhanden vnnnd bald vor der thören ist. Denn wie der Herr Christus selbs/als auch der Euangelisten zu ersehen ist/zu samten sehet/die zeichen/so vor der zerstörung der Stadt Jerusalem vnd vor dem Jüngsten gerichte geschehen sollen : also thun auch die Propheten oft zusammen beide zeite/der beyden zukünften des Messie / nemlich in das Menschliche fleisch vnd zum Jüngsten gerichte. Demnach ist diese weissagung im andern Capitel des Propheten Joel's zu verstehen/nicht allein von den wunderzeichen welche gescha hen / da der Herr Christus sein ampt auff erden sichtbarlich führete/als das er die Todten auffweckte/die Blinden sehend/ die Tauben hörend/die Aussehigen rein/vñ die Lamen gehend vnd wie die Hirs springen machte/vnnnd viel Teufel auftrieb. Item da der Herr Christus am holze des Kreuses / vor der

Statt Jerusalem den Tode hieße vnd am dritten tage wider  
rumb von den Todten außstund / als das die Sonne verfin-  
stert ward über dz ganze Lande/von der sechsten stunde an bis  
an die neunte/dz auch damals als erliche wollen/blutige Ma-  
ckeln an dem Mon gesehen wordē/das der vorhang im Tem-  
pel zerreiſt in zwey stück/von oben an bis vnden auf / die erde  
erbidmete/die Felsen zerrissen/vnd die Greber sich aufſcheeten/  
vnd außstunden villeibeder Heiligen die da schlieffen vnd in  
die Heilige Statt giengen vnd vielen erschienen. Item da  
hald hernacher die Statt Jerusalem zerstört ist / als das ein  
Comet welcher eines Schwerdis gestalt gehabt / ein ganzes  
jar gegen der Statt über stunde/das sich gerüstete Reutter vñ  
andere Kriegslente in dem Lufft erzeigetē/das eine junge Kuh/  
da sie zum Opffer geführet/ein Schaf im Tempel gebare/dz  
stimmen gehöret worden/lasset vns von hinnen fliehen / lasset  
vns von hinnen fliehen / vnd was der wunder damals mehr  
geschahen: Sondern auch von den zeichen so da geschehen/zu  
dieser zeit/dz geoffenbarten Euangelij/durch das ampt/ dz  
werden/thewren vnd außerwählten rüſtzungen Gottes/Do-  
ctoris Martini Lutheri bis an den schrecklichen vnd grossen  
tag des Herren am jüngsten gericht/ als das zu vnffern zeiten  
mehr Finsternissen der Sonnen vnd des Monden/als zuvor  
geschehen/wie wir dann in vergangenem 1577. jar zwei ganz  
se scheusliche Finsternissen / am Mon gesehen haben / das  
offt drey Sonnen vnd mehr Mon als der einer erschienen/dz  
offt neue ungewöhnliche Sternen vnd Cometen sich in dem  
Lufft erzeiget/wie anno 1572. vnd 73. ein newer ungewöhn-  
licher Stern über eines jares zeit/vnd in vergangenem 1577.  
vnd im jekigen 1578. jar ein schrecklicher Comet erschienen  
ist/das die nähesten jar der Himmel offt wie ein Gewrofen gewr-  
lich gebrant vñ der rauch dampf daran sich hin vñ her/schreck-  
lich aufzubreitet hat/das offt Kriegsrüstung in dem Lufft ges-  
sehen/das es Blut geregnet/das wasser/Brot vñ andere spei-  
se rot

se rot wie Blut worden/das grosse sturmwinde vnd Erdbeben  
gewesen / dadurch viel Schiffe auff dem Meer zerschlagen  
vnd vmbgekehret/vnd viel Heuer/ gebew vnd heime auff de  
Land seind nidergeworffen/das selzame monstra oder vna-  
türliche ungewöhnliche geburte / von allerley Thieren geboren  
seind/als Kinder einer scheuslichen gestalt/Kelber mit zweyen  
Köpfen/Schweine/Pferde/et.c. mit dreien füssen vñ dergleichē.

Also ist im December des vergangenen 1577. jars zu  
Grevesmülén in diesem Lande zu Mecklenburg/ geboren ein  
schrecklich Monstrum / welches bildnuß vnn und gestalt hiezu  
getruckt ist. Es wirt aber ein solche vnnatürliche vnd unge-  
wohnliche scheusliche geburt gehäissen/vñ genennt ein Mon-  
strum/das ist ein solche geburt / die etwas zeiget vnn und weiset/  
a monstrando,das ist vom zeigen vnd weisen. Den ein solche  
ungewöhnliche geburt / allzeit etwas sonderlichs zeiget vnd  
weiset/wie dañ diese anzeigt vnd weiset/dz nit allein der jüng-  
ste tag bald vorhanden vnd hart vor der thür sen/sondern auch  
dz unglück vnd grosse straffen vnd plagen kostten werden/vñ  
was für scheusliche gewolche zeite vnd Leute sein vnd leben.

Das zum ersten des vnnatürlichen Kindes angesichte/ist  
mit einer decken/zugedecket gewesen/zeiget ohn zweuel an/dz  
vns vnd andern an diesen orten vñ in den benachbarten Len-  
dern da Christen seind/das angesicht/ mit einer gar dicken be-  
cken zugedeckt sen.Der Apostel S. Paulus schreibt von den  
Juden zu seiner zeit/ ij. Corinth. iij. das sie eine decke haben  
auff ihrem angesichte/ welche vnauffgedecket bleibe vber dem  
alten Testament/wenn sie es lesen/welche in Christo auffhö-  
ret/vnd das wenn Moses gelesen wirt/ die decke hange für ih-  
re herzen/wenn sie sich aber zu dem Herren befehreten / das als  
dann die decke wurd abgehau werden / Damit zeiget der A-  
postel an / das die Juden so das Euangelium von Christo nie  
wolten annemmen / haben die decke / des vnrechten verstands  
am gesetz Gottes/für ihre augen vñ herzen gehabt / dadurch

vre sinne verfinstert vnd fre herke verstoekt wordt/das sie die ver-  
heissungen des Euangelij von Christo im alten Testamene  
vnd im Moze nicht verstanden / ob sie dieselben gleich teglich  
vnd offe gelesen/vnd sie an jnen selbs häll vnd klar sein. Und  
kamen mit hinzu/fleischliche gedancken/von dem Weltlichen  
Königreich des Messie/vom Geschlecht vnd geblüt Abrahe/  
von Jüdischer Freyheit vnd dergleichen. Denn die Juden  
solche gedancken hatten / Nach dem Gott der Herr sein geset-  
ze gegeben mit grossem pracht vnnnd herrlichkeit/da von gelesen  
wirt/Exodi xix. vnd xx. so müsste auch die gerechtigkeit vñ dz  
leben darinnen sein. Dieweil der Messias in der schrift hoch-  
gehaben wirt/so müsste er nicht ein solcher Bettler wie Jesus  
von Nazareth war/ sondern ein grosser gewaltiger Weltko-  
nig sein: Weil sie Abrahams saamen waren/ welchen Gott dz  
Erbe verheissen hatte/so müssten sie auch Erben des ewige-  
bens sein: Weil sie freye Juden ware/ welchen Gott der Herr/  
die Freyheit hatte versprochen vnnnd zugesaget/so mochten sie  
auch ihrer Freyheit wol gebrauchē/ vñ mischbrauchten sie auch  
offe zu fleischlicher Freyheit / wie hierüber der Herr Christus  
Johannis am viii. sie hart straffet. Diese jetzt erzelte gedancke/  
waren den Juden als ein dicke decke für jren Augen vnd her-  
zen/das sie nicht verständen die verheissungen/des Euangelij  
von Christo/welche klarlich vnd deutlich anzeigen/ das in jm/  
dem Herrn Christo/ alleine / ohne alles zuthun der wercke des  
Gesetzes/sey die gerechtigkeit/seligkeit vnd leben/ vnd das son-  
sten andere hochwichtige vrsachen sein/warumb Gott sein ge-  
setze gegeben/vnd man die wercke des gesetzes/oder gute wercke  
im gesetze Gottes gebotten/ so da seind früchte der gerechtig-  
keit des Glaubens/thun soll und muß. Diese decke aber bleibt  
den Juden vnauffgedecket/dieweil sie sich durch die Predig des  
Euangelij/so damals durch die Apostel geschahen/nicht bekeh-  
ren lassen wollten zu Christo/ in welchem sie aufz höret / sines-  
mal ex ist des Gesetzes ende/Rom. x.

Also

Also haben unsre leute/ zu dieser zeit/da das heilige Euangelium auf dem tunckeln Finsterniß / des tunckeln finstern Bapsthumbs/häll vnd klar/ durch Doctore Martinum Lutherum/widerum herfür bracht ist/vñ jetzt in der ganze Welt geprediget wirt/zu einem gezeugnuß über alle Völker vnd dz der Welt ende vorhanden seyn/ vor jrem angesichte eine grosse decke des vnglaubens vnd schrecklicher fleischlicher sicherheit vñ gedancken/von Christlicher freyheit die sie schendlich missbrauchen/zur bosheit/ vngerechtigkeit vnd allen andern sünden. Diese decke/ so der Teufel unsren leuten macht vnd vor dz angesicht hanget/verfinstert jnen jre sinne/das sie das Euangelium/welches an jm selbs häll vnd klar ist/ vnd häll vnd klar erkläret vnd aufgestrichen wirt / in öffentlichen predigen vnd schriften/nicht verstehen/ob sie es gleich hören vnd lesen / wie hienon im volgenden vierdten Capitel/ der andern Epistel an die Corinther S. Paul redet/mit diesen worten: Ist nun unsrer Euangelium verdeckt/ so iſt denē die verlorenwerde verdeckt/ bei welchen der Gott dieser Welt / (der Teufel/ welcher der Welt Gott iſt/ dieweil sie ihme mehr volget als dem wahren rechten einigen Gott) der vngläubigen sinn verbendet hat/dz sie nicht sehn das hällicheit des Euangelij/ von der klarheit Christi/welcher iſt das ebenbild Gottes. Demnach verharren vnd bleiben die meisten leute / als denen das angesicht be- decket vnd die sinne verfinstert sind/in jrem vnglauben / sicherheit/sünde vnd bosheit/vñ heussen jnen damit den zorn Got- tes/vnd schreckliche gewolche straffen/beside in diesem zeitliche vnd in jhenem ewigen leben.

Diese decke verfinstert auch unsren leuten jre sinne also/ das sie auch die gefahr vnnnd not der Kirchen vnd Schulen/ des Weltlichen Regiments vnd des Haushstands oder gemeinen Weltlichen lebens/nicht vernemmen/noch verstehen. Hilff lieber Herr Gott/wie gefährlich steht es vmb die Kirchen vnd Schulen/vmb das Römische Reich vnnnd alle Regimenten in der

der ganzen Christenheit/ vnd vmb das gemeine leben aller menschen in diesen Lendern. Wer sieht aber vnd vernimmet die gefahr vnd not/ so teglich schrecklicher vnd grosser wirt/ vñ immer mehr vnd mehr zunimpt: Hanget hic nicht den fur-nempsten gelehrtesten Theologen vnd Lehrern in Kirchen vnd Schulen/ den grossen Potentaten/ Koenigen/ Thur vnd Fursten/ Koeniglichen vnd Furstlichen Land vnd Hofstaeten/ von Juristen vnd andern/ Grauen/ Freyherrn/ Edelleuthen/ Burgermeistern/ Richtern/ Rahtsherrn/ wie auch den gemeinen Leuten von Burgern vnd Dauoren/ eine dicke decke vor den augen/ darvor sie die gefahr vnd not nicht sehen/ verstehn vnd vernemmen können. Sol aber diese bose gefehrliche decke von vnserm angesicht vñ augen abgedeckt werden/ so müssen wir vns auff S. Pauls vermanung/ zu Herrre Christo bekehren.

Demnach weil wir nicht tuechtig seind/ räht zu finden von vns selber/ als von vns selber/ sondern das wir tuechtig sind/ von Gott ist/ welcher vns tuechtig macht/ wie Sanct Paul im selben: iii. Capitel der andern Epistel an die Corinther schreibet: So. bitte ich mit herz vnd mund vnsern lieben Herrn Gott/ das er seinen heiligen Geist in vns auf giessen wolle/ auff das wir vns durch ihn zum Herr Christo bekehren/ vnd also die decke des vnglaubens/ der sicherheit/ vnd aller andern sünden/ von vnserm angesicht abgedeckt werde:

Wie auch die decke auff des vnnatürlichen Kindes angesichte/ wole ein tunckle gestalt eines angesichts hat/ aber kein rechtes angesicht ist/ vnd ein vnnatürlich Monstrum macht/ also lesset es sich wol ansehen als hetten vil leute rechte angesicht/ aber sie seind bedecket/ mit der decken des vnglaubens vnd der sünden/ so sie zu scheuslichen Laruen vnd vnnatürlichen Monstris macht/ wie Deut: xxiiij. von den bösen gottlosen menschen geschrieben steht: Die böse vnd verkehrte art seit von Gott ab/ Sie seind schandflecken vnd nicht seine Kinder.

Zum

Zum andern/ wie man nicht hat können sehen die augen mund vnd nasen/ der vnnatürlichen Kindesgeburt/ wenn die decke darauff gelegen/ vnd nicht wissen können/ ob sie darunter waren oder nicht: also verschlusset vnd verhüllt die decke des vnglaubens/ der sicherheit vnd anderer sünden/ so vnsern leuten auff dem angesicht liget/ die augen/ den mund vnd die nasen/ das man nicht wissen kan/ ob sie augen/ mund vnd nasen haben. Es wirt vns das heilige Euangeliu/ durch Doctorem Lutherum von des Baptists unsletigen/ scheuslichen Abgöttereyen/ vnd jrzthumen geleutert vnd gereinigt/ so hell vnd klar geprediget/ vnd stellet vns Gott der Herr/ die not vnd gefahr der Kirchen/ des Weltlichen Regiments vnd des gemeinen lebens/ so deutlich für/ das wir/ was wir thun sollen/ nicht allein mit den augen sehen/ sondern auch mit dem mund schmecken vnd mit der nasen riechen mögen. Aber vil der vnsern/ welcher angesichte/ wie oft gemeldet/ zu gedeckt seind mit der decke des vnglaubens vnd der sünden/ leben dahin in aller sicherheit/ das man nicht wissen kan/ ob sie augen/ mund vnd nasen haben/ damit sie etwas sehen/ schmecken/ reden vnd riechen könnten.

Zum dritten/ das die decke auff des vnnatürlichen Kindes angesichte/ weñ sie ist/ auffwerts gehobē/ die gestalt eines langen Türkischen oder Reussischen Huts gegeben hat/ damit wirt ohn zweuel angezeiget/ das wegen der verachtung des Göttlichen Worts vnd der sünden/ so da geschehen/ in diesem hellen klaren licht des heiligen Euangeliu/ vns Gott der Herr wil Türkēn vnd Reussen auff den Kopfführen/ welchs auch hierauf leiden vermutlich/ dieweil sie ohn allen widerstand/ statliche gewaltige Besiungen/ Siette vnd Lender einnehmen/ vnd die Christen darüber sich noch selbs verbergen/ verderben/ mesgen/ würgen vnd morden/ vnd dadurch den Türkēn vñ Reussen/ die thür weiter öffnen. Haben nicht die Türkēn in wenig jaren/ Sieget/ Julam/ Eypern/ das Königreich Thuz.

B

tris 2. erobert vnd eingenommen? Wer thut aber hic was zur  
wer gedencket darauff wie man ihnen möchte widerstande  
thun? Ja mit dem Türkischen Tyrannen wirt friede ges-  
macht vnd ihme Tribut geben/auff das die Niderlender/ vnd  
hernacher das ganze Deutschland überzogen werden. Welch  
ein schrecklich Blutbad / würgen vnd morden ist nun vil jar  
her in Frankreich gewesen? Dieses gesetzt dem Türkischen  
Tyrannen nicht ubel / welcher seine gelegenheit wol erschen  
wirt/das er/ was überbleibet/ vollend auffreibe vnd vnder sei-  
nen gewalt bringe. Was hat der Reusse oder Moscowiter  
für grossen Sieg gehabt wider Liefßland vnd Littawen? hat  
er nicht in wenig jaren Potoschi/ Dorpie/ Parnow / vnd im  
vergangenen Sommer das ganze Überdünische Fürsten-  
thum eingegommen/da er vnmenschliche Tyranny an den  
armen leuten geübet? Gott der Herr nemme vnder seine gna-  
densflügel das Churländische Fürstenthumb/ vnd die beyde  
Stadt Reuel vnd Riga/welche allein noch überig. Wirt der  
Reusse / Reuel erobern vnd einbekommen / so werden diese  
Seestadt vnd Lender einen gefährlichen nachbarwaren vnd  
Feinde an ihme haben/sintemal er in dem hafen daselbst/ wir-  
anrichten ein stattliche Armadam von Schiffen/ damit er  
das Meer wirt unsicher machen/ vnd seine leut/ das sie Raub-  
ben/Brennen/Würgen vnd Todtschlagen/ in diese Lender  
führen. Wenn nun Liefßland ganz hinweg ist/ so werden Lit-  
tawen vnd Polen/ da keine Festungen vorhanden/einem  
solchen mechtigen Feinde schwerlich widerstandt thun können.  
Es lasset sich ansehen/ als werden die Türken das Oberdeut-  
schland überziehen vnd verbergen. Der Moscowiter oder  
Reusse aber / das Sachsenland oversallen / in welches sie auf  
dem Hafen vor Reuel/wenn sie die Stadt erobert/mit Schif-  
fen/vnd durch Littawen vnd Polen mit jre Kriegsheer leicht  
können können/fürnemlich weil ein jeder also vor jnen erschri-  
cket/vnd die hende/ als were kein stercke mehr darinnen/sinken  
lassen.

lasset. Wenn die Liefßlender im vergangenen Sommer  
hetten bey einander gehalten/ vnd einen mutvnd herz ge-  
habt/ so hetten sie nach menschlichem verstande/dein Erbfeind:  
die wol einen abbruch thun/ vnd die gar gewaltigen De-  
fungen wider ihm erhalten können. Dieweil aber aller mut  
dahin/vnd das herz ihnen entfallen war/ die hende als were  
gar keine stercke mehr darinnen/ ihnen nidersunken/ sie sich  
selbs trenneten/ vnd wehrlos gaben/ vnd die mechtigen vnd  
gewaltigen Festungen weit aufscheten/ vnd aufsperrten/ so  
konten sie leicht geschlagen vnd überwunden werden. Was  
aber ihnen begegnet ist/ das kan vns auch begegnen/ sinto-  
mal einem jeden widerfahren kan/ was einem andern wider-  
fahren ist. Vor zwenzig jaren glaubten die Liefßlender so  
wenig als wir/ das sie von den Reussen also solten geplaged  
werden/ wie nun leider geschehen ist/ vnd noch täglich ge-  
schiehet. Was wir an ihnen gesehen vnd erfahren/ das  
müssen wir vns auch vermuten. Aber wir wollen nicht ehe  
glauben es sijzen vns dann die Türken vnd Reussen auf  
den Kopffen/vnd schlagen vns/ das das blut hernider fliesset/  
Gott helfe vns/welcher vns gerne helfen wolte/ wenn wir  
vns nur wolten helfen lassen. Denn er reckt seine hende  
aus den ganzen tag/ zu einem ungehorsamen Volk/ das  
seinen gedanken nachwandelt auff einem wege der nicht gut  
ist/das ihme nicht sagen lesset vnd widerspricht. Esaiie lxv:  
vnd Rom. x.

Nachdem auch das unnatürliche Kind/ mit dem langen  
hohen Türkischen und Reussischen hutte/von eines Schnei-  
ders Weibe gebore ist/ so will auch on zweuel Gott der Herz  
damit anzeigen/das er einen mißfallen vnd gewel habe/ an  
den newen vnd vormals ungewöhnlichen Kleidern/ so von den  
Schneidern jetzt bereitet vnd gemacht werden. Schande  
vnd Fünde ist es/das ein solcher erschrecklicher übermut geset-  
zen vnd erspürt wirt/in newen vnd vormals ungewöhnlichen.

auch prächtigen kostlichen Kleidern. Unter die Sünden des reichen Schlemmers da von Lucas am sechzehenden Capitel schreibt / wirt mit gesetet/ das er sich habe gekleidet mit purz pur/ so einem Könige allein gezimmet. Nun aber Kleiden sich vil nicht gar hohe Leut vom Adel vnd Bürgern/ statlicher vñ prächtiger / als vormals König vnd Königin gehan haben/ vnd noch wol gewaltige König vnd Königin/ vnd fürnemme Fürsten und Fürstin thun/ vñ wirt bey gemeinen Leuten auch ein grosser übermut in Kleidern befunden.

Im Kloster Dobberan / so zwei meil von dieser Statt Rostock gelegen/ ist Herrn Albrechts/ so König in Schweden vnd Herzog zu Mecklenburg gewesen/ Fürstlichen Gemahel Bildnus/ daran gesehen wirt/ das die Fürstin gar geringe Kleider/ vnd keine guldine Ketten/ sondern allein einen Corallen schnur/ daran ein gulden ring gehengt/ getragen habe. Ich were nun zu geringe für eine nicht gar fürnemme Bürgerin. Ich höre das in einem benachbarten Lande ertlich junge gesellen vom Adel/ sollen drey doppelte samitten Kleider tragen. Das unterste Kleid sol vnzerschnitten vnd vnzerhact sein/ da nahste darüber einer andern farben/ sol zerschnitten vnd zerhact/ vnd das dritte über die beiden/ als das oberste/ auch einer andern farben vnd zerschnitten vnd zerhact sein/ auf das also alle drey Kleider können gesehen werden. Wie werden Tücken/ Reussen oder andere fremde Völcker/ diesen vormals eins die haut vnd fleisch widerumb zerschniden vnd zerhacken/ vnd wirt zu lett hellsch fewr auch darzu kommen. Wie wirt für grosse vppigkeit geübt/ mit den unsletigen/ doppelten drey oder mehrfachten runzeln an den hembden vmb den halß vnd die hende. Es werden gewiß die flammen in gleicher gestalt/ im hellischen Feuer/ solchen die helse vnd hende neben der ganzen leibe auch ewig vmbgeben vnd brennen. Wie schendlich unsletig gehen ihrer viel daher mit alzukurz zerhawenen Kleidern/ welche nicht bedecken können/ die Glieder/ so die

natur/ zucht vnd erbarkeit zu bedecken erfordern. Der Herr Philippus Melanthon/ rühmete offt die Burger in diesen ansche vnd andern fürnemmen Sachsischen Stetten/ wegen ihrer erbaren langen Kleidern/ vnd vermaute vil/ das sie in diese Stette verreisen solten/ sitemal sie allhie sehen würden gar erbare züchtige Männer/ welche fast alle in langen rocken/ wie die Prediger daher giengen. Sagte aber von denen Sachsen/ so da kurz zerhawen herein treten/ diesen alten Lateinschen vers oder reymen:

In curta tunica saltat Saxo quasi pica.

Das ist/ Ein Sachse im kurzen Rock hüpft daher wie eine Elster/ oder Hechster/ als wir Sachsen disen Vogel niesen.

Im kurtzen Rock/ ein Sachs für war/

Hüpfft wote ein Elster vnd ein Narz.

Viel in den Stetten endern ihre gewöhnliche Kleidung/ vnd tragen kurze Kleider wie die Kriegsleut. Sie gedenken aber nicht/ das wann die gewöhnliche Kleidung geändert wirt/ die sitzen vnd das leben/ vnd der Siette vnd Lender stand vnd gedeyten sich mit enderen/ vnd sondte vileicht solche die kriegs lust/ ehe sie es glauben vnd gern wolten/ gebässt werden. Ein neue ungewöhnliche/ scheusliche Kleides form vnd gestalt/ zeiget an/ das derjenige/ so die Kleidung tregt/ eines neuen ungewöhnlichen/ scheuslichen/ unnatürlichen gemäts/ sinnes vnd herzen vor andern sey. Denn wie der Vogel auf seinen Federn vnd gesange/ also wir der mensche auf seinen Kleidern vnd worten erkannt. Es haben die alten bey uns/ das einerbare züchtige Kleidung von den Studenten getragen wurde/ so nötig geachtet vnd gehalten/ das sie/ als diese Universität anno 1419. angerichtet ist/ derselben haben in dem eyde/ so von den Studenten geschworen wirt/ mit willen gedenken. Denn alle Studenten vnd Gliedmassen dieser Universität Rostock nun über die 158. jar geschworen haben/ vñ nachmals schwes-

ren/das sie wöllen ein erbar Kleid tragen / nach den Gesegen  
der Uniuersitet. Ob nun diejenigen Studenten welche wider  
der Uniuersitet Gesetze vñ öffentlich publicierte bewelch / nie  
allein kurze Kleider / sondern auch Fädern auff den Haupten  
tragen/da es jnen vil besser anstände vñ nüher were/ d<sup>t</sup> sie die  
Schreibfeder in die hand nāmen/vñ deren fleissig gebrauchten/  
vnd sonst mit der Kleidung sich ungebürlich vnd mutwillig  
erzeigen/sre geschworne eyde sich gemäß halten/wir der rich-  
ten vnd rechnen/welcher gesprochen: Du soll den naissen des  
Heren deines Gottes nit missbrauchen. Denn der Herz wirkt  
den nit vngestraft lassen der seinen namen missbraucht. Ja  
sprechen etliche/es ist die gewonheit an andern örtern also/ vnd  
wirkt die gewonheit für ein gesetze gehalte. Hie verstehet ein sei-  
der leicht / d<sup>t</sup> erbare gesetze vnd geschworne eyde altezeit mehr  
gelten/als böse gewonheiten/vnd das böse gewonheiten nicht  
können erbare gesetze vñ geschworne eyde aufheben. Ein jeder  
bedenke vnd erwege gar eben was geschrieben steht Galat. vi.  
Iret euch nicht Gott lesset sich mit spotten/vñ Ebre. xii. Wir  
sollen Gott diene sime zugefallen/mit zucht vñ forchte/Deū vñ  
ser Gott ist ein verzerend sewr. Ich lasse die Kriegs vñ Hosten  
te sre kurze Kleider/federbüschle vñ andern billiche gewad/nach  
einer jeden Personē gelegenheit/stand vñ würde/ vñ fechte sol-  
ches nit an. Aber zwische diesen/den Studenten vñ Bürgern  
in de Kaufstette sol vñ muß ein vnderscheid gehalten werden/  
wie v in vorjare gewesen ist. Doch habe diese auch vil ungebür-  
liches an sren Kleidern/als d<sup>t</sup> sie jek so gar vnslelige scheusliche  
ermel trage/ damit sie sich selbs / wan sie essen oder sonstens v<sup>t</sup>  
shun wölle offt hindern vñ beschwerlich seind/vñ wirkt vil an-  
der vnsleliges an sre Kleidern gefunden/darum Gott der Herz  
Land vñ Leute strafft vñ weiter straffen wir. Es ist vor etliche  
jare als Loeffland noch in seink wolstande war/alda ein eueri-  
ger ernster prediger gewesen/als etliche vñ unsfern Kaufleute/  
die jn gekant/berichte/welcher offt seine zuhörer vñ des ganzen  
landes

landes einwohner vermanet hat/das sie den Reussen solten sre  
Kleider lassen/vñ sre gewonliche Kleidung behalte/vñ sich darne  
ben messige in der grossen pracht/die sie mit alzu statliche Klei-  
der tricke/sonst würde die Reussen gewislich kostet/vñ man  
weib vñ kind/mit alle geschmücke hinweg führe. Diese weissa-  
gung ist im vergangene somer erfüllt/vnd mehr als es gut ist  
war worden. Dann als die Reussen nach eroberung des Über-  
dünische Fürstenthums widerum zu Narue seind ankommen/  
haben sie nit allein vil schöne färneme rawen vñ jungrawen/  
edel vnd bürgerlich geschlechts/bey jnen hergeführt/sondern  
auch derselben köstlichen geschmuck an kleinen vnd Kleidern/  
wie auch der menner statliche Damascen vñ andere Schau-  
ben/zum schawspil öffentlich geführet vnd jederman sché las-  
sen. Gott behüte das an etlichen rawen vnd jungrawen/wel-  
che wie ich höre/nicht allein guldbine Ketten an sren hessen/son-  
dern auch vnd vñ sre Kleider tragen/vñ sonstens grosse oppiga-  
keit/beide in den Stetten vñ auff de land üben/nit warwerde/  
w<sup>t</sup> Gott der Herz drohet Esiae iii. Darumb d<sup>t</sup> die Töchter  
Syon stolz sind/vñ gehé mit vffgerichtē halse/mit geschmuck-  
ten angesichten/trethen einher vñ schwenzten/vñ haben köstli-  
che schuh an sren füssen/So wirkt der Herz de schittel der tochter  
Syon kal machen/vnd der Herz wirkt sre geschmeide weg-  
nemen. Zu der zeit wirkt der Herz den schmuck an den köstlichen  
schuhen wegnemen/vñ die Häffte/die Spangen/die Kette-  
lin/die Armspangen/die Hauben/die Flitter/die Gebremel/  
die Schnürlin/die Bisemäppsel/die Ohrenspange/die Rin-  
ge/die Harband/die Geyrkleider/die Mantel/die Schleyer/die  
Beuel/die Spiegel/die Goller/die Borten/die Kittel. Und  
wirkt stanck für gut geruch sein/vñ ein lose band für ein Gür-  
tel vnd eine Glase für ein krauß Haar/vnd für einen weisen  
Mantel ein enger sack. Solchs alles an statt deiner schönen/et.  
Zum vierten/wie das vnnatürliche Kind keine Hirnsha-  
len/vnd kein Gehirn oder Brügen gehabt hat/also laft es sich  
mit den

mit den leuten zu diser vnsere zeit ansehen/ als weren sie ohn gehirn. Ich hab zuvor gemelbet/in was grosser noth vnnd gefahr / die Kirchen vnd Schulen / das Weltliche Regiment vnd der Haushstand/ sehen. Man befindet täglich mit was geschwinden, arglistigen Practiken die Papisten umbgehen/ was für ein Eigam oder verbundt sie vnder sich gemacht vnd auffgerichtet wider vnsere Kirchen vnd Vatterland: Zu welchem ende sie die Niderlender zu ubtzichen, abermal willens vnd vorhabens sein: Wie sie in Frankreich gewürget vnd gemordet vnd es durch verrätheren/ vnd öffentlichen gewalt/ deren exemplar man in den Niderlanden vnd Frankreich erfahren/ mit dem ga ihen Teutscherlande vnd den andern Königreichen inn welchen das Euangelium gepredigt vnd bekannet wirt/ dahin zu bringen, mit grossem fleisch vnd crni sich vnternemmen / dahin es mit gleicher verräthero vnd gewalt/ der König Antiochus mit dem Jüdischen Lande vnd den Juden / zu bringen si h vnd erst und varen die Schrift Machabeorum können gesehen werden. *Abraham Fugger* neben wie geschwinden vnd hart / die Kirchen vnd Schulen vns zusezen/ vnd dann ein sieg über d. a andern erhalten. Aber ein fuder ist in diser eussersten der Kirchen vnd des Vatterlandes vnd gefahr/ als hette er kein gehirn im Kopf/ vnd verstände nichts. Von eroberung der Stadt Troi setzt der Poet Vergilius diesen vers:

Inuadunt vrbem, somno vinoq; sepultam. Das ist/

**Die Feind fallen in die Statt zwar/**

**Im Wein vnd Schlaff bezubert gar.**

Also werden in kurz/wie es sich lesset/ leider klarlich ansehen Gott, wölle aber das es nicht geschehe) Papisten/ Türcken vñ Russen falle in diese Lander/ welche auch im Wein vñ Schlaff begraben sein/ vnd werden schrecklich vnd nicht anders als Antiochus vnd die anderen Heydnische Könige/ mit den Juden/ mit vns haushalten.

Zum

Zum fünfften/ wie man an dem vnnatürlichen Kindes/ hat gar keine ohren finden vnd spüren können/ Also haben vnsere leute zu dieser zeit / fast keine ohren mehr/ damit sie hören können vnd wollen. Der Prophet Jeremias flaget/ das seine Juden haben unbeschrittene ohren/ wie seine wort im sechsten capitellauten: Ich mit wem soll ich doch reden/ vnd zeugen? das doch jemandt hören wolte. Aber jhre ohren seind unbeschritten/ sie mögens nicht hören. Siehe sie halten des Herren wort für ein spott/ vnd wollen sein nicht/ darumb bin ich des Herren drowen so voll das ich es nicht lassen kan. Wir Prediger aber mögen zu dieser zeit billich wol klagen/ das vnsere leute nicht allein unbeschrittene / sonder fast gar keine ohren mehr habē/damit sie dʒ heilige Euangelium/heilsame vermanungen/ vnd was sonst gutes gesagt vnd gerahten wirt/ hören wollen. Es gehet jes wie Gott der Herr selbs flaget/ im selbigen sechsten Capitel Jeremie. Ich habe Wechter über euch gesetzt/ merkt auff die stimme der Trommeten/ aber sie sprechen wir wollens nicht thun. Darumb so höret jhr Heyden/ vnd mercket sampt euwren leuten. Du Erde höre zu. Siehe ich will ein unglück über dīs Volk bringen/ nemlich ihren verdienten lohn / das sie auff meine Wort nicht achten/ vnd mein Gesetz verwerffen. Und in dem volgenden siebenden Capitel Jeremie: Wenn du ihnen dīs alles schon sagest/ so werden sie dich doch nicht hören/ Räffest du ihnen so werden sie dir nicht antworten. Darumb sprich zu ihnen/ dīs ist das Volk/ das den Herren ihren Gott nicht hören/ noch sich bessern will.

Zum sechsten/Das der Mund des vnnatürlichen Kindes/ wenn die decke vom angesichte ist abgethan/ sich scheußlich geöffnet hat/ als wenn einer scheußlich schreyet/ vnd rüfft/ damit wirt ohn zweiuel gezeiget/ das wenn der male eine die decke/ daruon zuvor gesagt/ mit gewalt von dem angesicht vnsrer leute wirt abgethan vnd sie den glauben in die hand/ auff

E

Den Kopff/rücken vnd den ganhen leib bekommen werden/ sie alsdenn/schrecklich schreyen/russen vnd heulen werden/wie leider im vergangenen Sommer die Ließlender gehan haben. Da wirts gehen nach der drohung des Herren Proverb. i. Die weisheit klagt draussen vnd lesset sich hören/auff den gassen. Sie rüfft in der chur am thor/sornen vnder dem Volck. Sie redet sre wort/in der State. Wie lange wolt se Albern/alber sein/vnd die Spötter lust zur spötteren haben/vnd die Nachlosen die lehre hassen? Nehret euch zu meiner straffe/Siehe/ich wil euch heraus sagen meinen Geist/vnd euch meine wort kundtshun. Weil ich denn rüsse vnd jr wegert euch/Ich recke meine hand auf/vnd niemand achtet das rauff/vn lässet fahren allen meinen Rahe/vn wöllet meiner straffe nicht/So will ich auch lachen in euwrem vnfahl/vnd euwer spotten wenn da kompt das ihr förchteet/wenn über euch kompt/wie ein sturm/das ihr förchteet/vnd euwer vnfahl als ein wätter/wenn über euch angst vnd noch kompt. Denn werden sie mir rüffen/aber ich werde nicht antworten/Sie werden mich frū suchen vnd nicht finden. Wer nicht wil in der gnaden zeit zu Gott rüffen vnd hätten/darzu er durch Gottes Wort vermanet wirdt/der muß hernacher zeitlich vnd ewig zeter mordio/auch vnd wehe schreyen vnd rüffen.

Zum siebenden/Das die vnnatürliche kindes geburt/ keine zunge im Munde gehabt/vnd der weit offenstehende mund so schrecklich anzusehen gewesen/als wenn Blut darinn were/oder Feuer herauf leuchteet/damit wirt bedeuetet/das vnsere leute keine zungen mehr haben/damit sie zu Gott dem Herren recht betten/vnd was zu Gottes ehren/vnid zu der Kirchen/vnd des Batterlands heil/froumen/gedeyen vnd auffnehmen gereichen möge/reden können/vnd das darauß in diesem leben blusige/vnd in jenem leben fewrige Meuler eruolgen werden.Dil Prediger haben jetzt keine zunge/damit sie sre zu Reden zur busse vnd beschreibung vermanen. Dil von den grossen

grossen Herzen vnd Potentaten/haben keine zungen/damit sie sich vntereinander hereden/wie dem vnglücke/so vor der thuren/zu stewren vnd wehren sey. Sie wartet lieber sres wohlebens vnd ziehen mit verhaunus ihrer regierung vnd ohn alle billiche masse auff das gezeit/schlagen vnd stechen wilde Schwein/Hirsche vnd andere vnuernlinffige thiere/das sie vil besser theten/das sie sich vntereinander vnderredeten/wie sie die Türcken/Reussen vnd des heiligen Euangelij Feinde/schlagen/stechen vnd morden wolien/vnd sezen solchs auch in das werck. Ja viel von den Edelleuten wie auch von den Burgern/dienen noch wol wider Gott vnd sre Gewissen/den öffentlichen Feinden des Euangelij/vnd helfen die armen Christen jemerlich würgen vnd untertrucken. Wofindet man nun auch zungen/die zum guten rahten/guten Rahe aussprechen vnd zum besten reden/wo findet man zungen die zu Gott dem Herren/in diser/der Kirchen vnd des Batterlands eusserste not vnd gefahr/recht vnd mit ernst bättens. Darumb werden über unsere leut Türcken/Reussen/vnd Papistische Tyrannen kommen/vnd ihnen blutige Meuler schlagen/vnd wirt vilen/die nicht werden busse shun vnd sich behelben/das fewer im abgrund der hellen/zum maul herausbrennen.Ach Herr Gott shu du vns unsere Lippen auff/vnd gib vns einsprechende zunge/das wir dich im Geist vnd warheit anrüssen/vnd was dir wolgesellig/vnd heilsam vnd nutz ist/reden mögen.

Zum achten/das die vnnatürliche Kindes geburt/ keine Augöpfel gehabt/sondern die augen innwendig rötlisch wie blut vnd feur gewesen sein/bedeuetet ohn zweuel/das vnsere leute nicht solche augen haben/damit sie etwas sehen können/vnd das darauff rote blutige augen in disem/vnd feurige brennende Augen inn ihenem leben volgen werden. Es wirdt/wie an den Juden geschahe/auch an unseren Leuten erfüllt/was Esate am sechsten Capitel geschrieben schet. E. ii.

Gehe hin vnd sprich zu diesem Volck / Hörctis vnd verstehets nicht, sehet vnd mercks nicht. Verstorte das herz dieses Volcks vnd laß ihre augen dicke sein / vnd blende ihre augen/ das sie nicht sehen mit ihren augen / noch hören mit ihren Ohren / noch verstehen mit ihrem herzen / vnd sich behexen vnd genesen. Wo findet man nun Augen die da recht sehen das gegenwärtige vnd baldkünftige / schrecklich groß ellend vnd unglücke ? Seind nicht alle / inn allen Steden / so gar blind / als wenn sie gar keine Augen hettent. Daher werden zu erst in diesem leben wie gemeldet rote blutige augeneruolgen / vnd wirt den vnbuhfertigen in ihrem leben in der Hellen ewig/das Feuer zu den augen aufschlagen vnd aushbrennen. Nachdem aber der Herr beides/ein hörendes Ohr vnd sehends Aug machen/wie Proverb. xx. geschrieben steht: so bitte ich den Batter unsers lieben Herre Jesu Christi/er vns auch hörende Ohren vnd sehende Augen/gnediglich geben wölle/auff das wir was heil/am ist sehen/ vnd dem selbigen volge leisten mögen.

Zum neundten bedeutet die Hundbracken Nase meines erachtens/das vil Prediger/nicht wie trewe/fleissige / wackere bellende Hunde/fleissig wachen sondern wie die faulen feisten Bracken/ auff weichen Küssem liegen vnd schlaffen/vnd sich wol messen lassen/ als hierüber Gott der Herr Esiae Ivi. kläget. Alle ire Wechter seind blind/sie wissen alle nichts/stumme Hunde seind sie/die nicht straffen können/seind faul/ ligen vnd schlaffen gern. Es seind aber starcke Hunde von leibe/ die nimmer satt werden können. Ja diese Prediger machen auch ihren zuhöern Küssem/ vnd entheiligen hiedurch des Herren nammen/ vnd verführen die herde Christi/ wegen eines bissen Brots vnd einer hand vol Gersten / das ist / das sie ihre volle narung haben vnd fett / wie die feisten Bracken Hunde/ gespeiset werden/als hierüber der Herr auch kläget Ezechielxiiij. So spricht der Herr Herr / wehe euch die jr küssem macht den leuten

leuten vnder die arme/vnd pfale zu den Heuptern/beide jungen vnd alten/die Seele zu fahen. Wenn jr nun die Seele gesangen habe vnder meinem Volck/verheisset ihr ihnen das leben / vnd entheiligt meinen nammen/vmb einer hand vol Gersten / vnd bissen Brots willen/ damit das ihr die Seelen zum todie verurtheile/die doch nicht solten sterben/ vnd verurtheilet die zum lebe/die doch mit leben solten/durch ewere lügen vnter meinem Volck/welches gern lügen höret. Darumb spricht der Herr Herr/Sihe ich will an ewere Küssem/damit ihr die Seelen fahet vnd vertröstet/ic. Demosthenes schreibt/das das Griechenland seye in alle beschwerung gerahet/ hierdurch das die gelehrten Redner die warheit verschwiegen haben/vnd den grossen Herren zu gefallen geredet. Also gerahet jetzt die Kirchen Gottes vnd die Weltlichen Regiment in grosse gefahr vnd beschwerung / hierdurch das nicht allein die gelehrten Redner von Juristen / deren sich etliche über die masse fett machen durch allzu vnbillich schinden/ sondern auch vil von den Theologen vnd Predigern/ fast einem jeden auch nach dem munde reden/die warheit verschweigen/vnd wie die stummen feisten Bracken hunde nicht bällen wollen/auff das sie ruhe vnd gute feiste tage haben vnd behalten mögen.

Zum zehenden/ Der lange/höhe/weiche hals an der vnnatürlichen Kindes Geburt / bedeutet meines bedunkens/ das Gott der Herr unsern Leuten / den langen Hals vnd steiften harten Nacken dadurch sie den Kopff hoch heben vnd halten / gewißlich brechen vnd weich machen wil/ durch vil plagen vnd straffen / deren er immer in hr vnd mehr machen will/ wie er selbst drobet Leuit xxvj. So ihr aber noch über das mir nicht gehorchet / so will ichs noch sieben mal mehr machen/euch zu straffen vmb ewere sünden/das ich ewern stolz vnd halsstarzigkeit breche. Es hat Gott der Herr bisher hart gestraffet/fürnemlich mit thewrung aller dinge/das nun ein ding drey/ vier oder mehr mal so thewr gekaufft wirt/ C iij

als vor dreissig oder noch wol vor zweyzig jaren geschahē/mie  
grossen unleidlichen schakungen/dardurch vil hart beschwert  
werden/vnd mit armut/darinn die leute mit haussen gerahetē  
auff das dem stolz vnd hoffart solte gestewret vñ geweret wer-  
den. Aber ihē thewre allos wirt/ ihē mehr schakungen auff die  
leute gelegē/vnd se armer sie werden/ se vil hōher sie die kōpff  
empor heben/vnd mehr stolz vnn prals sie treiben/mit seiden  
vnd sāttelin kleidern/mit guldin Reitern/ vñ mit anderm stat-  
liche kōstlichem geschmeide/mit wolleben/ schlemmen/ spielen  
vnd dergleichen. Aber Gott der Herr wirt unsren leuten/den  
steiffen/hohen/stolzen/vñ halßstarrigen nacken/halß vñ kōpff  
durch die vilfältigen straffen vnd plage/ welche im selben xxv.  
capitel Leuit. vnd im xxvij. Deut. erzellet werden/also biegen/  
brechen vnd weich machen/das der kōpff allenhalben hinsal-  
le wirt. Gott der Herr hat bishero/nur mit einer Fuchs schwian-  
ke gesteupt vñ geschlagen. Was will aber drauß werde/wenn  
er wirt greissen zum eyfern Scepter daruñ Psal. ii. Du soll  
sie mit einem eyfern Scepter zuschlagen/wie töpffen soltu sie  
zerschmeissen. So lasset euch nun weisen jr Kōnige/ vnd lasset  
euch züchtigen jr Richter auff erden. Dienet dem Herren mit  
forcht/vnd freuet euch mit zittern. Küsst den Sohn/das er  
nicht fürne vnd jr vmbkompt auff dem wege/ Denn sein zorn  
wirt bald anbreuen/Aber wol allen die auff jn trawē. Es wirt  
schwer werden/wider den stachel aufzuschlagen.

Zum leisten/sind von der/des vnnatürlichen Kinds geburt/  
rechte hand/so allezeit offen gestanden/ vnd von der linken/so  
immer zu geblieben/auffs kürzest meine gedancken. Ein Phi-  
losophus mit nastien Theodorus/hat pflegen zusagen: Er ge-  
be die lehre seinen zuhörem vnd. Schulern mit der offnen rech-  
ten hand/Sie aber empfengē vñ nāmen die an/ mit verschloß  
ner linken hand/ damit er anzeigen/das von andern vbel ver-  
standen/ gedeutet vnd eingenoommen wurde/ was er aufrichtig  
und recht lehrete. Also w̄z nun von treuen eyferigen aufrich-  
tigen

eigen Predigern vnd andern gntherhigen redlichen leuten/mie  
der offnen rechten hand gegeben/ das ist/ richtig recht vñ wol  
gepredigt/geredet vñ gerahetē wirt/dz wirt mit der verschloß  
nen linken hand empfangen/angenommen vnd verschlossen  
bewaret/das ist vbel gedeutet/ausgeleget vnd verkehret/vñ als-  
so hart behalten/das man es den leuten nit widerumb aufredē  
kan/sondern sie müter in jrem bösen argwon / bleiben vnd ver-  
haren. Es kan nichts so recht vnd wol gemeinet vnd gethan  
werden/das böse leute nicht böshaffig verstehen vnd verkehre  
können/vnd nimpt böser argwohn/misstrauen/ verkeren vnd  
verleumbden/ sezt leider also die überhand/ das weder maß  
noch ende sey.

Ob wol aber ich weiß/das auch etliche diese meine erinner-  
ung vñ vermanung von dem vnnatürlichen Kinde/ welches  
Bildnūs mir ein Bürgermeister aus Greuesmühle zugeschi-  
cke hat mit der linken hand annehmen/das ist vbel deuten vnd  
verkehren werden/ da ich sie doch mit der rechten hand gegebē/  
Das ist/wol gemeinhabe: So zweuelich doch darneben nit/  
das auch vil Gottselige/froße herzen in allen Stenden/was  
von mir recht/wol vnd gut gemeinet vnd geschrieben/recht/  
wol vnd gut annehmen vnd verstehen werden.

Nachdem nun nicht allein durch den Cometē/ welchen  
wir im vergangnen vñ jessigen gegenwärtige jar gesehē/durch  
diese vnnatürliche vñ ungewöhnlich geburt/ vnd durch andere  
vil mehr zeichen/Gott der Herr zeiget vnd weiset/dz der jüng-  
ste tag vnd grosse schwere straffen verhanden vnd für der thū-  
ren sein: als wirt ein jeder/ was würden vnd standes er auch  
ist/ein edechtig sein/dieser vermanung vnd warnung unsers  
Herrn Jesu Christi Lue. xxj. So seid nu wacker allezeit vñ bes-  
set/das jr wirdig werden möget zu entfliehen disem als-  
len das geschehen soll vnd zu stehē für des

Menschen Sohn/Amen.

¶ Ende. ¶